

第一房第九派宗表

北遷十世

十一世

十二世

十三世

十四世

十五世

派祖諱明元

見一

永敏

系

重華

一宗興

一東柱

一應斗

見

保頤一男

字

字

字

字

二希斗

見

生卒失傳

官祀陵祭奉

肅宗壬戌生

英祖丙辰生

英祖戊子生

男希斗

見

肅宗丁巳九月

英祖己巳庚寅

基野起德亥生

英祖三月

忌七月十日

三

見

受質嘉善

基通政

原有衣石

基野起德亥生

基野起德亥生

三

見

倉洞家生

北京圖書館編

古面

乙下

原

原

北京圖書館藏

家譜叢刊民族卷

第54冊

北京圖書館出版社

浦野起德亥生

原

男東杓

男

見

英祖癸巳四月

婿朴宗允

人

邑升室天月丁丑晉五

全州金氏世譜

序

孟子曰人有恆言皆曰天下國家天下之本在國國之本在家夫自家而國國而天下是天理當然之人
事無古今之殊也然則開闢以來既生人民而有國
家則自有古今來歷之常變事實非文蹟何致而知
之哉此所以國有歷史家有譜乘也國而無史則必
曰未開家而無譜則必曰不明然有之而俱失實則
當曰誣也故孔子曰及史闕文且書法不隱程子曰
管攝天下人心收宗族厚風俗莫如明譜系蘇氏曰

觀吾譜者孝悌之心油然而生是皆國史家譜之書
法也孔子定書斷自唐虞作春秋始於魯隱元年者
雖有其義然必兼有關疑之意存焉朱氏茶院譜只
有上世九代蘇氏譜只明五世云則古之大賢文章
皆從聖人春秋筆法之義也何必見國史然後知其
筆法也哉今日識時務倡教育者必先史誌而問其
先系則居多昧然吾見其不足為家况信其能於為
國乎至若為先而修譜云者專事乎冒昧攀緣以附
貴顯之族將使幽明開抱冤而呼訴是可曰明譜系
乎與今日倡修東史而於檀君以後三國以前史安

以不通之偏見著作以彰直筆者何異而逃免乎後
世大君子刪削之綱目筆也耶是年孟夏金哀屏巖
文淳氏抱其世譜家乘而來曰吾全金北祖三子分
居慶源會寧明川而又自明川分派而鏡城巨門講
武兩派也吾派又自巨門而分世居漁郎仲山朱南
五常等地矣今在本鄉者不過十數戶移此良島者
近四十餘戶故往年癸丑之譜漏其大半焉是用慨
歎先修家乘續印派譜經紀者三年于茲先得本派
應諾繼而鏡城橋洞派德嶽翰弼氏朱乙溫派道巖
尚奎氏俱以慶源派之裔亦於癸丑譜或未參或

而漏半與吾派同情者合同始事聞則譜役精詳書
吾子若茲就質願編次整頓印刷監勞是擔並弁文
是乞乃以癸譜全秩暨草單出示之次第閱覽則其
貫全州出於完山君諱台瑞上編載大輔公以下國
系至敬順王與完山君以上系及以下子姓至親
行均載下編以入北祖承義公諱敬戶籍所載曾祖
同正公諱界爲北譜先祖起一世實獲先正筆法也
攷其所來則承義公六代孫寬谷先生諱起弘倡修
於前其後本一錄出於鶴陰金先生校正而書法嚴
正取捨實當最爲今日譜家之春秋其淵源不可誣

也以之合修于癸丑印于明川而其先系之無徵而
載於別譜者又數十派也其在別譜者以俗見雖似
不明是同正公爲首之義而若或後日實蹟現露則
爲後改之道剩有餘地何嫌焉余曰編輯序次癸譜
前例在焉何須更問遂應是役自新羅代序以下一
遵癸譜而惟其追補者與本譜所校正龍淵鼎奎氏
商定而印刷冠英君獨據之皆巨門派巨擘而善手
也其於山圖摹刻左右勞役尚奎氏始終如一而不
用他人余何尚哉只指導而已矣矜是各派聞風追
參者多則遂入北三派均參而譜不讓於癸丑也余

謂屏哀曰貴譜事權與於哀之一團誠力而完成於諸氏協贊輸能之效大事畢矣幸莫幸焉第有一說可諭者肯之否哀之爲元事承父命至於母喪而未及臨離廬而未守制奔走道路鬱風浴雪而苦極心力者是先於家史之孝思則繼於國事之忠願從可知矣其免於大學經所謂所厚者薄之戒耳然其上文不曰其本亂而未治者否矣乎本者身之謂也孟子豈不繼之曰家之本在身乎願竣此事之後謝事而多讀大學孟子格致其修身敬身之道以立身揚名以顯父母世忝厥祖焉當務之急則敦本知末不

失先後之序而其於使人興起油然之恩厚風俗明
春秋之義罔使古人專美矣而後人必稱之曰開明
君子也夫哀曰諾惟恐不能敢不樂從遂序其事如
是云爾

歲玄默闡茂之復月南至後三日丁卯南平文述謨
謹書于三願室

族譜何爲而作也古之君子憂子孫之忘其祖失其
傳而作也惟我金氏出自雞林籍於全州其間世德
之隆簪組之赫載在史乘而且癸丑譜中詳而盡矣
噫承義副尉公諱敬八北于今四百四十有三年矣
其子孫之蕃衍不翅巨億而今又北遷間島者惟千
可計癸丑之役多未及收錄而載其譜者又不過百
千之一二焉余常憾恨一日族叔文淳氏訪余於延
河之上曰家嚴有意刊譜累年竭盡心力今已老矣
吾雖不敏願承志耳子其如何余力贊之不能已耳
嗚乎噫嘻此曰此地譜不可一日無也蠻雨島風迷

人魂性麥秀黍離誰復可感古人云故人周謝後生
不識殷憂深恨不其然歟程子曰官攝天下人心收
宗族厚風俗使人不忘本須是明譜牒張子曰宗法
若立則人各知來處朝廷大有所益以兩先生說觀
之則修譜牒明世系非但吾人之所急而其有關於
天下國家者尚矣公於姓族而近有關北之通譜私
於一家而既多祖先之墓表斯可謂浚得收族尊祖
之義然譜之藏既遠而且少則人難常見而孝悌之
心無由生墓之銘止近而不廣則親漸疎而路人之
歎亦難免矣然則家不可無譜譜不可無補如之何

其可也今島中殘族力綿財薄各郡諸族難以盡編
莫如派譜而家藏之使人人得見之爲愈也大抵譜
法猶國之有史苟有虛實相淆真偽莫辨則大非明
世立法之意也依舊修新補漏正訛秉筆存焉何言
之有愈拙略叙如右時癸丑後九年壬戌三月之晦
日也全州后孫鼎奎謹識

全州金氏世譜舊序

維林金氏乙丑南譜序

乙丑即
廟十一年 肅

氏族之有譜尚矣李唐以來尤盛我東國俗專以門
戶輕重人而文獻不及中華士族之傳其世譜者蓋
鮮近世士大夫稍稍以修明譜牒爲事余每喜聞而
樂道焉雞林之金肇自閔智實有神明之德其後味
鄰王受晉氏之禪傳緒數十至于 敬順王歸命麗
朝受封樂浪子孫益以蕃昌官位多顯爲東方大姓
勝國以來已七百有餘歲矣中經兵創記籍散失荷
渾金公時讓按節嶺南時欲修譜刊行而卒未果乃

者金氏後裔在海西與湖南之間者略千人旣然合
講發書遠近宗族收輯文籍不遠千里以來漢師鳩
財募工印出累十本將以記久明遠而徵余以序引
錫鼎辭不獲謹以一言贊之曰始林雞鳴氣化首出
跡類乎有邨皇南尚見典籍授政事近乎媯汭敬順
之納土全民實與徐偃之施仁同符雖地隔要荒德
有崇庠而其積善餘慶澤流後胤則亦豈有二致也
程夫子有言曰管攝人心敦厚風俗須是明譜系立
宗法誠使此譜中人沿波而求源自本而達枝胥勉
忠孝胥迷友睦以食舊德之名氏則祖先其尚曰予

有後而不恥其於今為庶而其於民俗之歸厚所助
豈淺哉抑又有難者夫以奕世衣冠之族嬋媛數千
年名卿顯位不為無人而諳牒之行有未暇焉今以
關西之遐遠布韋之孤寒乃能成就著明如此視堅
嶠之發揮徐王殆有過者其志行之勤篤文烏可無
言哉斯舉也闡揚世德而主張之者金君萬碩一作顯道
也來請序之而先後之者金君以瑞一作兗也役凡七
閱月而訖功歲

崇禎紀元後旂蒙赤奮若春三月丙申通政大夫弘
文館副提學崔錫鼎序

寬谷世譜癸酉序

癸酉即廟十九年

成化十六年庚子七代祖承義副尉諱敬率妻子同
遷于北上居于慶源府南龍堂城下洞口中財產富
饒六畜蕃殖寨其谷口牧養于其中時人指其地曰
場基至今云爾北謫以上家乘既乏莫以考年代久
近北謫以後僅仍古文之可攷畫為族譜知其所自
出

崇禎後再癸酉冬
完山後孫起嗣序

己酉序

己酉即祖五年

英

自先祖北遷至先君之世凡二百二十有二年

按自成化

庚子至肅廟辛巳

雖無先代行事之遺文而至於先君修己

之功則開造其積德之基矣吁苗裔之中若有操存
涵養之誠而循緒積累之精則惟我先君子之澤豈
止螽斯之盛而已哉以是謹序族譜傳書之後警示
後嗣歸趣之節紹吾子姓之屬而附畫于下以為永
世相傳之標準也

再巳酉春後
孫席珍序

癸卯序

癸卯即
宗九年

憲

余金氏始祖誕降于雞林肇基王跡迄于完山君始
籍完山又十有餘世始北遷永世雲仍其麗不億此
所謂水之派分木之條達者也六代祖寬谷公上承
祖烈下貽孫謨而畫為族譜以明世系又多平日所